

大乘起信論科判

梁天竺三藏法師真諦譯

大乘起信論科判

上海佛學書局印行

大乘起信論序

梁揚州僧智愷作

夫起信論者。乃是至極大乘。甚深祕典。開示如理緣起之義。其旨淵弘。寂而無相。其用廣大。寬廓無邊。與凡聖爲依。衆法之本。以其文深旨遠。信者至微。故於如來滅後。六百餘年。諸道亂興。魔邪競扇。於佛正法。毀謗不停。時有一高德沙門。名曰馬鳴。深契大乘。窮盡法性。大悲內融。隨機應現。愍物長迷。故作斯論。盛隆三寶。重興佛日。起信未久。迴邪入正。使大乘正典。復顯於時。緣起深理。更彰於後代。迷羣異見者。捨執而歸依。闇類偏情之黨。棄著而臻湊。自昔已來。久蘊西域。無傳東夏者。良以宣譯有時。故前梁武皇帝。遣聘中天竺摩伽陀國。取經并諸法師。遇值三藏拘蘭難陀。譯名真諦。其人少小博採。備覽諸經。然於大乘。偏洞深遠。時彼國王。應卽移遣。

法師苦辭不免。便就汎舟。與瞿曇及多侍從。并送蘇合佛像來朝。而至未旬。便值侯景侵擾。法師秀採擁流。含珠未吐。慧日暫停。而欲還反。遂囑值京邑英賢。慧顯、智韶、智愷、曇振、慧旻。與假黃鉞大將軍太保蕭公勃。以大梁承聖三年歲次癸酉九月十日。於衡州始興郡建興寺。敬請法師敷演大乘闡揚祕典。示導迷徒。遂翻譯斯論一卷。以明論旨。玄文二十卷。大品玄文四卷。十二因緣經兩卷。九識義章兩卷。傳語人天竺國月支首那等。執筆人智愷等。首尾二年方訖。馬鳴冲旨。更曜於時。邪見之流。伏從正化。余雖慨不見聖。慶遇玄旨。美其幽宗。戀愛無已。不揆無聞。聊由題記。儻遇智者。賜垂改作。

大乘起信論科判

馬鳴菩薩

梁天竺三藏法師真



唐賢首國師義記科判

此論三分 (甲)初序分 (甲)二正宗分 (甲)三流通分

(甲)初序分二 (乙)初明歸敬三寶二

(丙)初顯能歸誠至 (丙)二明所敬分深廣二 (丁)初明佛寶三寶三

最勝業徧知。色無礙自在。救世大悲者。及彼身體相。

(己)二釋二法性真如海。 (庚)二釋無量功德藏。 (戊)三明如實修行

等。 (庚)一釋體大 (庚)二釋相大 (庚)三釋

(乙)二申其敬意三

222.11
998
科判

(丙)初舉 爲欲令衆生。(丙)二明所成益二 除疑捨邪執。(丁)二得 起大

乘正信。(丙)三成 佛種不斷故。上來歸敬

(甲)二正宗分二 (乙)初標益起說

論曰。有法能起摩訶衍信根。是故應說。

(乙)二正陳所說三 (丙)初標數

說有五分。

(丙)二列名

云何爲五。一者因緣分。二者立義分。三者解釋分。四者修行信心分。五者
勸修利益分。

(丙)三依章辨相五 (丁)初因緣分二 (戊)初標

初說因緣分。

(戊)二釋四 (己)初問

問曰。有何因緣而造此論。

(己)二答三 (庚)初舉數

答曰。是因緣有八種。

(庚)二辨相二 (辛)初總

云何爲八。一者因緣總相。所謂爲令衆生離一切苦、得究竟樂、非求世間名利恭敬故。

(辛)二別

二者爲欲解釋如來根本之義。令諸衆生正解不謬故。三者爲令善根成熟衆生、於摩訶衍法堪任不退信故。四者爲令善根微少衆生修習信心故。五者爲示方便消惡業障、善護其心、遠離癡慢、出邪網故。六者爲示修

習止觀對治凡夫二乘心過故。七者為示專念方便、生於佛前、必定不退信心故。八者為示利益勸修行故。

(庚)三總結

有如是等因緣、所以造論。

(己)三難

問曰。脩多羅中具有此法、何須重說。

(己)四通二 (庚)初與彼問辭

答曰。脩多羅中雖有此法。

(庚)二奪彼疑情明須作論二 (辛)初舉根緣二相以立宗二

(壬)初根 以衆生根行不等、(壬)二緣 受解緣別。
有同異 有增微

(辛)二別釋根緣二 (壬)初說聽俱勝經文尙無紙素之傳何況須論一

以(癸)初約勝時所謂如來在世衆生利根。(癸)二明能說之人色心業勝。

圓音一演異類等解則不須論。

(壬)二明根緣微劣須經須論四

(癸)初第一種若如來滅後或有衆生能以自力廣聞而取解者。(癸)二第三種或

有衆生亦以自力少聞而多解者。(癸)三第三種或有衆生無自智力因於廣

論而得解者。(癸)四第四種二亦有衆生復以廣論文多為煩心樂總持

少文而攝多義能取解者。(子)二對此劣如是此論為欲總攝如來廣大

深法無邊義故應說此論。

(丁)二立義分二 (戊)初結前生後

已說因緣分次說立義分。

(戊)二正彰立義三 (己)初標總開別

摩訶衍者總說有二種。

(己)二寄問列名

云何爲二。一者法。二者義。

(己)三依名辨相二

(庚)初法二

(辛)初舉法總立

所言法者謂衆生心。是心則攝一切世間法。出世間法。依於此心顯示摩訶衍義。

(辛)二開門別立二

(壬)初責何以故。(壬)二開是心真如相。卽示摩訶衍體故。是心生滅因

緣相。能示摩訶衍自體相用故。釋法章竟

(庚)二義二

(辛)初辨大二

(壬)初所言義者。則有三種。云何爲三。(壬)二釋大(癸)初一者體大。謂一切

法真如平等不增減故。(癸)二二者相大。謂如來藏具足無量性功德故。

(癸)三用大三者用大能生一切世間出世間善因果故。

(辛)二釋乘二

(壬)初標果望一切諸佛本所乘故。(壬)二舉因望一切菩薩皆乘此法

到如來地故。立義分竟

(丁)三解釋分二 (戊)初結前生後

已說立義分。次說解釋分。

(戊)二正明解釋三 (己)初標數

解釋分有三種。

(己)二列名

云何為三。二者顯示正義。二者對治邪執。三者分別發趣道相。

(己)三辨相三 (庚)初顯示正義二 (辛)初總釋三 (壬)初依法開門

顯示正義者依一心法有二種門。

(壬)二列其二門

云何爲二。一者心真如門。二者心生滅門。

(壬)三二門該攝二

立(癸)初 是一種門皆各總攝一切法。釋(癸)二 此義云何。以是一門不相離

故。

(辛)二別釋二 (壬)初別辨二門顯動靜不一二 (癸)初釋真如門二 (子)初舉如體離言以

明觀智境釋上真如義二 (丑)初總舉法體二 (寅)初正顯如體三 (卯)初就實略標

心真如者。卽是一法界大總相法門體。所謂心性不生不滅。

(卯)二會妄顯真

一切諸法唯依妄念而有差別。若離心念，則無一切境界之相。

(卯)三結真離妄

是故一切法從本已來，離言說相、離名字相、離心緣相。畢竟平等，無有變異。不可破壞，唯是一心，故名真如。

(寅)二會執釋名二

(卯)初釋三

(辰)初正會治執

以一切言說、假名無實，但隨妄念，不可得故。言真如者，亦無有相。

(辰)二約名釋疑二

(巳)初立 謂言說之極，(巳)二立 因言遣言。

(辰)三約相釋遣

此真如體無有可遣，以一切法悉皆真故。亦無可立，以一切法皆同如故。

(卯)二結

當知一切法不可說不可念故名爲真如。

(丑)二問答釋疑二

(寅)初疑真絕修問

問曰。若如是義者。諸衆生等。云何隨順而能得入。

(寅)三舉真勸修答

答曰。若知一切法雖說無有能說可說。雖念亦無能念可念。是名隨順。若離於念。名爲得入。

(子)二依言辨德以明生信境釋上真如相三

(丑)初舉數總標

復次此真如者。依言說分別。有二種義。

(丑)二開章略辨

云何爲二。一者如實空。以能究竟顯實故。二者如實不空。以有自體具足無漏性功德故。

(丑)三依章廣釋二 (寅)初釋空三 (卯)初略明

所言空者。從本已來一切染法不相應故。謂離一切法差別之相。以無虛妄心念故。

(卯)二廣釋

當知真如自性。非有相。非無相。非非有相。非非無相。非有無俱相。非一相。非異相。非非一相。非非異相。非一異俱相。

(卯)三總結

乃至總說。依一切衆生以有妄心。念念分別。皆不相應。故說爲空。若離妄心。實無可空故。

(寅)二釋不空四

(卯)初 所言不空者。已顯法體空無妄故。 (卯)二 卽是真心。常恆不變淨。

法滿足、(卯)三則名不空。(卯)四亦無有相可取。以離念境界、唯證相應

故。釋真如

(癸)二釋生滅門二 (子)初釋生滅心法二 (丑)初明染淨生滅二 (寅)初就體總標三

(卯)初標體

心生滅者。依如來藏故有生滅心。

(卯)二辨相

所謂不生不滅、與生滅和合、非一非異。

(卯)三立名

名為阿黎耶識。

(寅)二依義別解三 (卯)初釋上心生滅三 (辰)初開數辨德

此識有二種義。能攝一切法、生一切法。

(辰)二寄問列名

云何爲二。一者覺義。二者不覺義。

(辰)三依名別釋三

(巳)初辨覺二

(午)初略辨始本二覺二

(未)初本覺三

(申)初顯本

覺體

所言覺義者。謂心體離念。離念相者。等虛空界。無所不徧。法界一相。卽是如來平等法身。依此法身說名本覺。

(申)二釋本覺名

何以故。本覺義者。對始覺義說。以始覺者。卽同本覺。

(未)二始覺

始覺義者。依本覺故。而有不覺。依不覺故。說有始覺。

(午)二廣明二覺二

(未)初明始覺三

(申)初總標因果二覺

又以覺心源故、名究竟覺。不覺心源故、非究竟覺。

(申)二廣寄四相釋成二 (酉)初正寄四相顯其四位四 (戌)初初位四

此義云何。(亥)初能如凡夫人。(亥)二所覺知前念起惡故。(亥)三辨能

止後念令其不起。(亥)四結雖復名覺、即是不覺故。

(戌)二第二位四

(亥)初能如二乘觀智、初發意菩薩等。(亥)二所覺於念異。(亥)三辨念

無異相、以捨麤分別執著相故。(亥)四結名相似覺。

(戌)三第三位四

(亥)初能如法身菩薩等。(亥)二所覺於念住。(亥)三辨念無住相、以離

分別麤念相故。(亥)四結名隨分覺。

(戌)四第四位四

(亥)初能觀人二如菩薩地盡(角)二別明二滿足方便(亢)二無一念

相應(亥)二舉覺心初起(亥)三辨心無初相以遠離微細念故得見心

性心即常住(亥)四結名究竟覺觀分齊

(酉)二引經釋成心源無念四 (戌)初引經

是故脩多羅說若有衆生能觀無念者則爲向佛智故。

(戌)二重釋前文

又心起者無有初相可知而言知初相者即謂無念。

(戌)三舉不覺之失

是故一切衆生不名爲覺以從本來念念相續未曾離念故說無始無明。

(戌)四顯覺者之得

若得無念者則知心相生住異滅以無念等故。

(申)三明始不異本二

(酉)初

而實無有始覺之異。

(酉)二

以四相俱時而有、皆無自立、本來平

等、同一覺故。

(未)二明本覺二

(申)初明隨染本覺三

(酉)初總標

復次本覺隨染分別、生二種相、與彼本覺不相捨離。

(酉)二列名

云何為二。一者智淨相。二者不思議業相。

(酉)三辨相二

(戌)初明智淨相二

(亥)初直明淨相二

(角)初

智淨相者。謂依法力熏習、如實修行、滿足方便故。

(角)二

初斷果二

破

和合識相、滅相續心相。

(亢)二

顯現法身、智淳淨故。

(亥)二問答釋成二

(角)初問(執真同妄難)

此義云何。

(角)二答三(簡妄異真答) (九)初法

以一切心識之相皆是無明。無明之相不離覺性。非可壞。非不可壞。

(九)二喻四

(氏)初真隨 如大海水因風波動。(氏)二真妄 水相風相不相捨離。(氏)三

(氏)轉喻 而水非動性。(氏)四息妄 若風止滅。動相則滅。濕性不壞故。(氏)變喻

(九)三合七

(氏)初 如是衆生自性清淨心。(氏)二合風起 因無明風動。(氏)三合 心

與無明俱無形相不相捨離。(氏)四合水 而心非動性。(氏)五合 若無明

滅。(氏)六合 相續則滅。(氏)七合濕 智性不壞故。

(戌)二明不思議業相二

標(亥)初 不思議業相者。(角)(亥)初二釋二初依體總標 以依智淨能作一切勝妙境界。

(角)初二別辨四初橫顯業德廣多無量 所謂無量功德之相。(元)二豎顯業相深窮來際 常無斷

絕。(元)三顯業勝能無功應機 隨衆生根自然相應。(元)四顯業勝利益潤不虛 種種而現得利益

故。上來隨染本覺之相竟

(申)二明性淨本覺二 (酉)初總標

復次覺體相者有四種大義與虛空等猶如淨鏡。

(酉)二別釋 (戌)初如實空鏡二

云何爲四。(亥)初 一者如實空鏡。(亥)二 遠離一切心境界相無法可現。

非覺照義故。

(戌)二因熏習鏡二

標(亥)初 二者因熏習鏡。(角)(亥)初二釋二初能作現法之因 謂如實不空一切世間境

界悉於中現。出不入。不失不壞。常住一心。以一切法即真實性故。(二角)
作內熏。又一切染法所不能染。智體不動。具足無漏。熏衆生故。

(戊)三法出離鏡二

(亥)初 三者法出離鏡。(亥)二 謂不空法。出煩惱礙。智礙。離和合相。淳淨

明故。

(戊)四緣熏習鏡

(亥)初 四者緣熏習鏡。(亥)二 謂依法出離故。徧照衆生之心。令修善根。

隨念示現故。

(巳)二明不覺三

(午)初明根本不覺二

(未)初依覺成迷三

(申)初 所言不覺義者。謂不如實知真如法一故。不覺心起而有其念。念
無自相。不離本覺。(申)二 猶如迷人。依方故迷。若離於方。則無有迷。(申)三

合 衆生亦爾。依覺故迷。若離覺性，則無不覺。

(未)二依迷顯覺二

(申)初明妄有起淨之功 以有不覺妄想心故，能知名義，為說真覺。(申)二明真有待妄之義

若離不覺之心，則無真覺自相可說。

(午)二明枝末不覺二

(未)初無明為因生三細二

(申)初總標

復次依不覺故生三種相，與彼不覺相應不離。

(申)二別解三

(酉)初無明業相二

云何為三。

(戌)初標

一者無明業相。

(戌)二釋

以依不覺故，心動說名為業。覺

則不動，動則有苦，果不離因故。

(酉)二能見相二

(戌)初標

二者能見相。

(戌)二釋

以依動故能見，不動則無見。

(酉)三境界相二

標(戌)初 三者境界相。釋(戌)二 以依能見故境界妄現。離見則無境界。

(未)二境界為緣生六蘊二 (申)初總標

以有境界緣故復生六種相。

(申)二別釋六 (酉)初智相二

云何為六。標(戌)初 一者智相。釋(戌)二 依於境界心起分別愛與不愛故。

(酉)二相續相二

標(戌)初 二者相續相。釋(戌)二 依於智故生其苦樂覺心起念相應不斷故。

(酉)三執取相二

標(戌)初 三者執取相。釋(戌)二 依於相續緣念境界住持苦樂心起著故。

(酉)四計名字相二

標(戌)初 四者計名字相。釋(戌)二 依於妄執、分別假名言相故。

(酉)五起業相二

標(戌)初 五者起業相。釋(戌)二 依於名字、尋名取著、造種種業故。

(酉)六業繫苦相二

標(戌)初 六者業繫苦相。釋(戌)二 以依業受果、不自在故。相上來末

(午)三結末歸本

當知無明能生一切染法。以一切染法皆是不覺相故。即上來總釋不覺生

(巳)三雙辨同異三 (午)初總標

復次覺與不覺有二種相。

(午)二列名

云何爲二。一者同相。二者異相。

(午)三廣辨二

(未)初同相三

(申)初喻

言同相者。譬如種種瓦器。皆同微塵性相。

(申)二合

如是無漏無明種種業幻。皆同真如性相。

(申)三引證二

(酉)初正引是故脩多羅中。依於此真如義故。說一切衆生本來常住。入於涅槃。

菩提之法。非可修相。非可作相。畢竟無得。

(酉)二釋疑

亦無色相可見。而有

見色相者。唯是隨染業幻所作。非是智色不空之性。以智相無可見故。

(未)二異相二

(申)初喻

言異相者。如種種瓦器。各各不同。

(申)二合

如是無漏無明、隨染幻差別、性染幻差別故。

釋上來染淨不同

(卯)二釋上生滅因緣二

(辰)初明生滅因緣義二

(巳)初總標

復次生滅因緣者。所謂衆生依心意意識轉故。

(巳)二別釋二

(午)初問

此義云何。

(午)二別顯示三

(未)初釋所依心

以依阿黎耶識說有無明。

(未)二釋意轉三

(申)初略明

不覺而起。能見。能現。能取境界。起念相續。故說爲意。

(申)二廣辨二

(酉)初標

此意復有五種名。

(酉)二釋五 (戌)初業識二

云何為五。(亥)初一者名為業識。(亥)二謂無明力不覺心動故。

(戌)二轉識二

(亥)初二者名為轉識。(亥)二依於動心能見相故。

(戌)三現識二

(亥)初三者名為現識。(亥)二釋三所謂能現一切境界。(角)二猶如明

鏡現於色像。(角)三現識亦爾。隨其五塵對至即現。無有前後。以一切時

任運而起常在前故。

(戌)四智識二

(亥)初四者名為智識。(亥)二謂分別染淨法故。

(戊)五相續識二

(亥)初 五者名爲相續識。(亥)二 以念相應不斷故。住持過去無量世等

標 善惡之業令不失故。復能成熟現在未來苦樂等報無差違故。能令現在已經之事。忽然而念。未來之事。不覺妄慮。

(申)三結歸心二 (酉)初正結屬心

是故三界虛偽。唯心所作。離心則無六塵境界。

(酉)二釋疑廣辨三 (戌)初問

此義云何。

(戌)二答

以一切法皆從心起。妄念而生。一切分別。即分別自心。心不見心。無相可得。

(戌)三結四

(亥)初結 當知世間一切境界皆依衆生無明妄心而得住持。(亥)二舉

是故一切法如鏡中像無體可得。(亥)三釋唯心虛妄。(亥)四反驗唯以

心生則種種法生。心滅則種種法滅故。

(未)三釋意識轉二

(申)初 復次言意識者。(申)二釋即此相續識依諸凡夫取著轉

深。(酉)二出計我我所種種妄執。(酉)三明執隨事攀緣分別六塵。(酉)四

其制立名為意識亦名分離識。又復說名分別事識。(酉)五明識此識依見

愛煩惱增長義故。上來廣明生

(辰)二顯所依因緣體相二 (巳)初略明緣起甚深二 (午)初標歎甚深二

(未)初牒上所說依根本無 依無明熏習所起識者。(未)二正歎甚深

非凡夫能知。亦非二乘智慧所覺。(申)二菩薩分知謂依菩薩從初正信發心觀察。若證法身得少分知。乃至菩薩究竟地不能盡知。(申)三佛窮了唯佛窮了。

(午)二釋深所以二

(未)初何以故。(未)二答三(申)初即淨常染三是心從本已來。自性清

淨。(酉)二發緣起而有無明。(酉)三顯緣起之為無明所染。有其染心。

(申)二即常淨雖有染心而常恆不變。(申)三結成難測是故此義唯佛能知。

(巳)二廣顯緣起差別相二(午)初顯前緣起體相三(未)初釋上不變之義

所謂心性常無念故。名為不變。

(未)二顯上無明緣起之由

以不達一法界故。心不相應。忽然念起。名為無明。

(未)三顯上緣起相三(申)初標

染心者有六種。

(申)二問

云何爲六。

(申)三別解六

(酉)初執相應染二

(戌)初

一者執相應染。

(戌)二治

依二乘解脫及信相應地遠離故。

(酉)二不斷相應染二

(戌)初

二者不斷相應染。

(戌)二治

依信相應地修學方便漸漸能捨得淨。

心地究竟離故。

(酉)三分別智相應染二

(戌)初

三者分別智相應染。

(戌)二治

依具戒地漸離乃至無相方便地究

竟離故。

(酉)四現色不相應染二

障(戌)初 四者現色不相應染。治(戌)二 依色自在能離故。

(酉)五能見心不相應染二

障(戌)初 五者能見心不相應染。治(戌)二 依心自在能離故。

(酉)六根本業不相應染二

障(戌)初 六者根本業不相應染。治(戌)二 依菩薩盡地得入如來地能離故。

(午)二更重料揀三 (未)初辨上無明約治斷料揀二

標(申)初 不了一法界義者。治(申)二 釋二 麤者至初地離。從信相應地觀察學

斷入淨心地隨分得離。治(酉)二 後細者 乃至如來地能究竟離故。

(未)二釋上相應不相應義

言相應義者。謂心念法異。依染淨差別。而知相緣相同故。不相應義者。謂

卽心不覺。常無別異。不同知相緣相故。

(未)三舉上染心及無明約境成二礙義二 (申)初標立二

(酉)初 惑障 又染心義者。名爲煩惱礙。能障真如根本智故。(酉)二 智障 無明義者。

名爲智礙。能障世間自然業智故。

(申)二重釋二

(酉)初 問 此義云何。(酉)二 答二 (戌)初 釋煩惱礙 以依染心能見能現。妄取境界違平

等性故。(戌)二 釋 智礙 以一切法常靜。無有起相。無明不覺。妄與法違。故不能

得隨順世間一切境界種種知故。上 來釋生 滅 因緣 竟

(卯) 釋上生滅相三 (辰)初標數起問

復次分別生滅相者有二種。云何爲二。

(辰)二列名略顯

一者麤與心相應故。二者細與心不相應故。

(辰)三廣釋其相二 (巳)初約人對顯

又麤中之麤，凡夫境界。麤中之細，及細中之麤，菩薩境界。細中之細，是佛境界。

(巳)二辨相所依二 (午)初順辨生緣二

(未)初明通緣 此二種生滅，依於無明熏習而有。(未)二顯別 所謂依因依緣，依

因者，不覺義故。依緣者，妄作境界義故。

(午)二逆顯滅義二 (未)初正辨二

(申)初明通滅 若因滅，則緣滅。(申)二別顯滅 因滅故，不相應心滅。緣滅故，相應心

滅。

(未)二釋疑二 (申)初問

問曰。若心滅者。云何相續。若相續者。云何說究竟滅。

(申)二答三 (酉)初法

答曰。所言滅者。唯心相滅。非心體滅。

(酉)二喻

如風依水而有動相。若水滅者。則風相斷絕。無所依止。以水不滅。風相相續。唯風滅。故動相隨滅。非是水滅。

(酉)三合

無明亦爾。依心體而動。若心體滅。則衆生斷絕。無所依止。以體不滅。心得相續。唯癡滅。故心相隨滅。非心智滅。
滅上來釋染淨生
因緣相竟

(丑)二辨染淨相資四 (寅)初舉數總標

復次有四種法。熏習義故。染法淨法起不斷絕。

(寅)二列染淨法名

云何為四。一者淨法、名為真如。二者一切染因、名為無明。三者妄心、名為業識。四者妄境界、所謂六塵。

(寅)三廣釋染淨熏習之義二 (卯)初總釋二

(辰)初 熏習義者。如世間衣服、實無於香。若人以香而熏習故、則有香氣。

(辰)二合二 (巳)初染熏 此亦如是。真如淨法、實無於染。但以無明而熏習故、則有染

相。(巳)二淨熏 無明染法、實無淨業。但以真如而熏習故、則有淨用。

(卯)二別釋二 (辰)初染二 (巳)初問

云何熏習起染法不斷。

(巳)二答二 (午)初略釋

所謂以依真如法故、有於無明。以有無明染法因故、即熏習真如。以熏習

故則有安心。以有安心。卽熏習無明。不了真如法故。不覺念起。現妄境界。以有妄境界。染法緣故。卽熏習安心。令其念著。造種種業。受於一切身心等苦。

(午)二廣釋三 (未)初境界熏

此妄境界熏習義。則有二種。云何爲二。一者增長念熏習。二者增長取熏習。

(未)二安心熏

安心熏習義。有二種。云何爲二。一者業識根本熏習。能受阿羅漢辟支佛一切菩薩生滅苦故。二者增長分別事識熏習。能受凡夫業繫苦故。

(未)三無明熏

無明熏習義。有二種。云何爲二。一者根本熏習。以能成就業識義故。二者

所起見愛熏習。以能成就分別事識義故。

(辰)二淨二 (巳)初問

云何熏習起淨法不斷。

(巳)二答二 (午)初略釋二 (未)初正明熏習二

(申)初明真如內熏無明令成淨業(未熏) 所謂以有真如法故。能熏習無明。以熏習因緣力

故。則令安心厭生死苦。樂求涅槃。(申)二即此淨用(反熏) 以此安心有厭

求因緣故。即熏習真如。

(未)二辨其功能二

(申)初 自信己性。知心妄動。無前境界。修遠離法。以如實知無前境界故。

種種方便。起隨順行。不取不念。乃至久遠熏習力故。(申)二果二(酉)初滅惑 無明則

滅。以無明滅故。心無有起。以無起故。境界隨滅。(酉)二證理 以因緣俱滅。故心

相皆盡、名得涅槃、成自然業。

(午)二廣釋二 (未)初明安心熏習二

(申)初標

安心熏習義有二種。

(申)二釋

云何爲二。一者分別事識熏習。依諸

凡夫二乘人等、厭生死苦、隨力所能、以漸趣向無上道故。二者意熏習。謂諸菩薩發心勇猛、速趣涅槃故。

(未)二顯真如熏習三 (申)初標數

真如熏習義有二種。

(申)二列名

云何爲二。一者自體相熏習。二者用熏習。

(申)三辨相二 (酉)初別釋二 (戌)初體相二 (亥)初正顯二

(角)初辨熏習

自體相熏習者。從無始世來、具無漏法。備有不思議業、作境界

之性。(角)二顯熏功能依此二義恆常熏習。以有力故。能令衆生厭生死苦。樂求涅槃。自信已身有真如法。發心修行。

(亥)二除疑二 (角)初問

問曰。若如是義者。一切衆生悉有真如。等皆熏習。云何有信無信。無量前後差別。皆應一時自知有真如法。勤修方便。等入涅槃。

(角)二答二 (亢)初通體明內熏不無

答曰。真如本一。

(亢)二明染淨賴緣顯成前後二 (氏)初約染惑對緣起有厚薄

而有無量無邊無明。從本已來。自性差別。厚薄不同。故過恆沙等上煩惱。依無明起差別。我見愛染煩惱。依無明起差別。如是一切煩惱。依於無明所起。前後無量差別。唯如來能知故。

(氏)二約淨法賴緣前後差異三 (房)初法

又諸佛法有因有緣。因緣具足，乃得成辦。

(房)二喻

如木中火性，是火正因。若無人知，不假方便，能自燒木，無有是處。

(房)三合二 (心)初明因緣互闕之失

衆生亦爾。雖有正因熏習之力，若不遇諸佛菩薩善知識等以之爲緣，能自斷煩惱入涅槃者，則無是處。若雖有外緣之力，而內淨法未有熏習力者，亦不能究竟厭生死苦樂求涅槃。

(心)二明性用相應之得二

(尾)初辨具緣

若因緣具足者，所謂自有熏習之力，又爲諸佛菩薩等慈悲願

護故。

(尾)二明熏益二 (箕)初明自分

能起厭苦之心，信有涅槃修習善根。

(箕)二明勝進

以

修善根成熟故。則值諸佛菩薩示教利喜。乃能進趣向涅槃道。

(戌)二用大二 (亥)初指事總標

用熏習者。即是衆生外緣之力。

(亥)二約緣別顯三 (角)初標

如是外緣有無量義。略說二種。

(角)二列

云何爲二。一者差別緣。二者平等緣。

(角)三釋二 (亢)初差別緣二 (氏)初總二

(房)初明 感用因 差別緣者。此人依於諸佛菩薩等。從初發意始求道時。乃至得

佛於中若見若念。(房)初二正明用相二 (尾)初開總成別五 (心)初正明差別之用二 或爲眷

屬父母諸親。(箕)二居卑 以引物 或爲給使。(箕)三同類 以勸發 或爲知友。(箕)四佈之 以入道

或爲怨家。(箕)五直以四或起四攝。(尾)二攝乃至一切所作無量行緣。

(心)二辨用之益。以起大悲熏習之力。能令衆生增長善根。若見若聞得利益故。

(氏)二別開二

(房)初就根熟不此緣有二種。云何爲二。一者近緣。速得度故。二者遠緣。

久遠得度故。(房)二就前遠近是近遠二緣。分別復有二種。云何爲二。一

者增長行緣。二者受道緣。

(九)二平等緣二

(氏)初明能平等緣者。一切諸佛菩薩。皆願度脫一切衆生。自然熏習恆

常不捨。以同體智力故。隨應見聞而現作業。(氏)二明對機所謂衆生依

於三昧。乃得平等見諸佛故。上來別明

(酉)二合明二 (戌)初標

此體用熏習分別復有二種。

(戊)二釋二 (亥)初未相應三

云何爲二。(角)初約一者未相應。謂凡夫二乘初發意菩薩等。(角)二辨

以意意識熏習依信力故而修行。(角)三明明未相應二

未得無分別心與體相應故。(亢)初明無正體智故未與法身體相應

與用相應故。(亢)二以無證真後得智未得自在業修行

(亥)二已相應三

(角)初顯二者已相應。謂法身菩薩。(角)二正得無分別心與諸佛智用

相應。(角)三明明唯依法力自然修行熏習真如滅無明故。明淨法熏竟

合釋、總明第三

(寅)四明染淨盡不盡義二

(卯)初明染法違真無始有終

復次染法從無始已來，熏習不斷。乃至得佛，後則有斷。

(卯)二明淨法順理有始無終二

(辰)初淨法熏習，則無有斷，盡於未來。(辰)二此義云何，以真如法常熏

習故，安心則滅，法身顯現，起用熏習，故無有斷。釋成上來釋生滅門中，能顯義之法竟。

(子)二釋生滅門中所顯之義大二 (丑)初釋體相二大二 (寅)初總標二大名

復次真如自體相者。

(寅)二別釋二大義二 (卯)初明體大義

一切凡夫聲聞緣覺菩薩諸佛，無有增減。非前際生，非後際滅，畢竟常恆。

(卯)二釋相大義二 (辰)初正明性德二

(巳)初明德相三從本已來，性自滿足一切功德。(午)二別六所

謂自體有大智慧光明義故。(未)二本覺顯徧照法界義故。(未)三顯照之

(未)照諸法義

(未)時無倒義

真實識知義故。

(未)四性離 惑染義

自性清淨心義故。

(未)五性德 圓備義

常樂我淨義

故。

(未)六性德 無遷義

清涼不變自在義故。

(午)三 結

具足如是過於恆沙不離不

斷不異不思議佛法乃至滿足無有所少義故。

(巳)二顯 立名

名為如來藏亦

名如來法身。

(辰)二問答重辨二

(巳)初執體疑相難

問曰。上說真如其體平等離一切相云何復說體有如是種種功德。

(巳)二相不違體答二

(午)初明雖差別而不二

(未)初明實德雖多同一如味

答曰。雖實有此諸功德義而無差別之相。等同一味。唯

一真如。

(未)二釋 成不二

此義云何。以無分別離分別相。是故無二。

(午)二明雖不二而差別二

(未)初 略

復以何義得說差別。以依業識生滅相示。

(未)二廣二 申初問對

染表示之相

此云何示。(申)二舉彼染以一切法本來唯心實無於念。而有妄心不覺起念見諸境界故說無明。心性不起即是智慧光明義故。若心起見則有不見之相。心性離見即是徧照法界義故。若心有動非真識知無有自性非常非樂非我非淨熱惱衰變則不自在乃至具有過恆沙等妄染之義。對此義故心性無動則有過恆沙等諸淨功德相義示現。若心有起更見前法可念者則有所少。如是淨法無量功德即是一心更無所念是故滿足名爲法身如來之藏。

(丑)二別解用大二

(寅)初總明二

(卯)初對果舉因三

(辰)初舉本正行

復次真如用者所謂諸佛如來本在因地發大慈悲修諸波羅

密攝化衆生。

(辰)二舉本大願二

立大誓願盡欲度脫等衆生界。

(巳)二長時心

亦不限劫數盡於未來。

(辰)三舉悲智大方便(不顛倒心)四

以取一切衆

生如已身故。(巳)二明而亦不取衆生相。(巳)三徵前悲此以何義。(巳)四

依真如門謂如實知一切衆生及與已身真如平等無別異故。答顯深

(卯)二牒因顯果三

(辰)初牒以有如是方便智。(辰)二自除滅無明見本法身。(辰)三正

(利)他自然而有不思議業種種之用。即與真如等徧一切處。又亦無有

用相可得。何以故。謂諸佛如來唯是法身智相之身。第一義諦。無有世諦境界。離於施作。但隨衆生見聞得益。故說爲用。

(寅)二別釋二 (卯)初標

此用有二種。

(卯)二釋二 (辰)初正顯用相二 (巳)初直顯其用二 (午)初明應身

云何爲二。一者依分別事識。凡夫二乘心所見者。名爲應身。以不知轉識

現故見從外來取色分齊不能盡知故。

(午)二明報身三 (未)初約識舉人

二者依於業識。謂諸菩薩從初發意乃至菩薩究竟地心所見者名爲報身。

(未)二明所見報相二

(申)初正報身有無量色。色有無量相。相有無量好。(申)二所住依果亦有無

量種種莊嚴。隨所示現。卽無有邊。不可窮盡。離分齊相。隨其所應。常能住持不毀不失。

(未)三結果由因釋顯報名

如是功德皆因諸波羅密等無漏行熏及不思議熏之所成就。具足無量樂相。故說爲報身。

(巳)二重牒分別二 (午)初應身(簡凡異小)

又爲凡夫所見者。是其麤色。隨於六道各見不同。種種異類。非受樂相。故說爲應身。

(午)二報身(簡比異證)二 (未)初明地前所見

復次初發意菩薩等所見者。以深信真如法故。少分而見。知彼色相莊嚴等事。無來無去。離於分齊。唯依心現。不離真如。然此菩薩猶自分別。以未入法身故。

(未)二顯地上所見

若得淨心。所見微妙。其用轉勝。乃至菩薩地盡。見之究竟。若離業識。則無見相。以諸佛法身。無有彼此色相迭相見故。

(辰)二問答除疑二 (巳)初問

問曰。若諸佛法身離於色相者。云何能現色相。

(巳)二答二

(午)初釋 法身能現二 答曰。卽此法身是色體故。能現於色。(未)二 所謂

從本已來。色心不二。以色性卽智故。色體無形。說名智身。以智性卽色故。

說名法身。徧一切處。(午)二釋所 所現之色。無有分齊。隨心能示十方世

界。無量菩薩。無量報身。無量莊嚴。各各差別。皆無分齊。而不相妨。此非心

識分別能知。以真如自在用義故。上來釋生滅門中法義二章竟。○初釋

釋二門顯
不一義竟、

(壬)二明會相入實顯動靜不異三 (癸)初標

復次顯示從生滅門卽入真如門。所謂推求五陰。色之與心。

(癸)二釋二 (子)初觀色法

六塵境界畢竟無念。以心無形相十方求之終不可得。

(子)二觀心法二

(丑)初 如人迷故謂東為西方實不轉。(丑)二 衆生亦爾無明迷故謂心

為念心實不動。

(癸)三總結

若能觀察知心無念即得隨順入真如門故。上來顯示正義

(庚)二對治邪執二 (辛)初就本總標

對治邪執者一切邪執皆依我見。若離於我則無邪執。

(辛)二別明障治二 (壬)初對治離三 (癸)初標數

是我見有二種。

(癸)二列名

云何爲二。一者人我見。二者法我見。

(癸)三辨相二 (子)初人我見二 (丑)初總標

人我見者。依諸凡夫說有五種。

(丑)二別解五 (寅)初妄執事空以爲法體三 (卯)初起執緣

云何爲五。一者聞脩多羅說。如來法身。畢竟寂寞。猶如虛空。

(卯)二正明執相

以不知爲破著故。卽謂虛空是如來性。

(卯)三辨對治相二

云何對治。(辰)初明此虛空是妄非真三 (午)初立情有明虛空相是其妄法。(午)二立

體無不實。(巳)二釋二 (午)初明情有以對色故有是可見相。令心生滅。(午)二釋以

一切色法。本來是心。實無外色。若無外色者。則無虛空之相。(巳)三結二 (午)初結情有

所謂一切境界唯心安起故有。

(午)二結
理無

若心離於妄動則一切境界滅。

(辰)二明彼法身是真非妄二
(巳)初辨法同喻

唯一真心無所不徧。

(巳)二簡
法異喻

此謂如來廣

大性智究竟之義非如虛空相故。

(寅)二妄執法體唯是空無三

(卯)初起執緣

二者聞脩多羅說世間諸法畢竟體空乃至涅槃真如之法亦畢竟空從本已來自空離一切相。

(卯)二正明執相

以不知為破著故即謂真如涅槃之性唯是其空。

(卯)三辨對治相

云何對治明真如法身自體不空具足無量性功德故。

(寅)三執性德同色心三

(卯)初起執緣

三者聞脩多羅說、如來之藏無有增減、體備一切功德之法。

(卯)二正明執相

以不解故、卽謂如來之藏有色心法自相差別。

(卯)三辨對治相

云何對治。以唯依真如義說故。因生滅染義示現說差別故。

(寅)四執法性本有染三

(卯)初起執緣

四者聞脩多羅說、一切世間生死染法、皆依如來藏而有一切諸法不離真如。

(卯)二正明執相

以不解故、謂如來藏自體具有一切世間生死等法。

(卯)三辨對治相二

云何對治。

(辰)初奪破三
(巳)初明淨德妙有

以如來藏從本已來，唯有過恆沙等諸淨

功德，不離不斷，不異真如義故。

(巳)二明妄
染理無

以過恆沙等煩惱染法，唯是

妄有，性自本無。

(巳)三明妄
不入真

從無始世來，未曾與如來藏相應故。

(辰)二
縱破

若如來藏體有妄法，而使證會永息妄者，則無是處故。

(寅)五執染淨有始終三

(卯)初起執緣

五者聞脩多羅說，依如來藏故有生死，依如來藏故得涅槃。

(卯)二正明執相

以不解故，謂衆生有始。以見始故，復謂如來所得涅槃有其終盡，還作衆生。

(卯)三辨對治相二

云何對治。

(辰)初明法體離始
則顯生死無初

以如來藏無前際故，無明之相亦無有始。

若說三界外更有衆生始起者，卽是外道經說。(長)二明法體離終又如
來藏無有後際，諸佛所得涅槃與之相應，則無後際故。

(子)二法我見三 (丑)初起執之由

法我見者，依二乘鈍根故，如來但爲說人無我。

(丑)二顯其執相

以說不究竟，見有五陰生滅之法，怖畏生死，妄取涅槃。

(丑)三顯其對治

云何對治？以五陰法自性不生，則無有滅，本來涅槃故。

(壬)二究竟離 (癸)初約法明治二

(子)初約復次究竟離妄執者，當知染法淨法皆悉相待，無有自相可說。

(子)二舉是故一切法從本已來，非色非心，非智非識，非有非無，畢竟不

可說相。

(癸)二會釋伏疑三

(子)初正會伏疑

而有言說者當知如來善巧方便假以言說引導衆生。

(子)二辨定聖意

其旨趣者皆為離念歸於真如。

(子)三返以釋成

以念一切法令心生滅不入實

智故。

(庚)三分別發趣道相二

(辛)初總標大意以顯其名

分別發趣道相者謂一切諸佛所證之道一切菩薩發心修行趣向義故。

(辛)二別開分別三

(壬)初標數

略說發心有二種。

(壬)二列名

云何為三。一者信成就發心。二者解行發心。三者證發心。

(壬)三辨相三 (癸)初信成就發心三 (子)初明信心成就之行二 (丑)初問

信成就發心者。依何等人。修何等行。得信成就。堪能發心。

(丑)二答二 (寅)初正答前問二 (卯)初答三問三

(辰)初答 所謂依不定聚衆生。(辰)二答第二問二 有熏習善根力故。信

業果報。能起十善。厭生死苦。欲求無上菩提。(巳)二明 得值諸佛。親承供

養。修行信心。(辰)三答第三問二 經一萬劫。信心成就故。(巳)二約勝緣

諸佛菩薩教令發心。或以大悲故。能自發心。或因正法欲滅。以護法因緣。

能自發心。

(卯)二結成位

如是信心成就得發心者。入正定聚。畢竟不退。名住如來種中。正因相應。

(寅)二舉劣顯勝二 (卯)初明劣相二 (辰)初內因力微二

(巳)初惑重 若有衆生善根微少。久遠已來煩惱深厚。(巳)初二德薄 雖值
(午)二異 於佛亦得供養。然起人天種子。(午)初三猶 設有
(午)小果 求大乘者。根則不定。若進若退。

(辰)二外緣力劣二

(巳)初時未滿 或有供養諸佛。未經一萬劫。(巳)初二遇緣不勝 於中遇緣

亦有發心。所謂見佛色相而發其心。(午)二供大衆 或因供養衆僧而發其心。

(午)三劣友勸 或因二乘之人教令發心。(午)四學他發 或學他發心。

(卯)二結成退失

如是等發心。悉皆不定。遇惡因緣。或便退失。墮二乘地。

(子)二顯發心之相二 (丑)初正明三心二

(寅)初問 復次信成就發心者。發何等心。(寅)初二答數二 略說有三種。(卯)二別釋

云何爲三。一者直心。正念真如法故。二者深心。樂集一切諸善行故。三者大悲心。欲拔一切衆生苦故。

(丑)二問答除疑二 (寅)初問

問曰。上說法界一相。佛體無二。何故不唯念真如。復假求學諸善之行。

(寅)二答二 (卯)初正答前問二 (辰)初喻

答曰。譬如大摩尼寶。體性明淨。而有鑿穢之垢。若人雖念寶性。不以方便種種磨治。終無得淨。

(辰)二合三

(巳)初正合前文如是衆生真如之法。體性空淨。而有無量煩惱染垢。若人雖念

真如。不以方便種種熏修。亦無得淨。(巳)二釋衆修以垢無量徧一切法故。

修一切善行以爲對治。(巳)三明善行順真若人修行一切善法。自然歸順真如。

法故。

(卯)二重顯方便二 (辰)初標數

略說方便有四種。

(辰)二別釋三 (巳)初無住行三

云何爲四。(午)初一者行根本方便。(午)二釋相二謂觀一切法自性無

生離於妄見不住生死。(未)二觀一切法因緣和合業果不失起於大悲

修諸福德攝化衆生不住涅槃。(午)三以隨順法性無住故。

(巳)二自利行二 (午)初斷德三

(未)初二者能止方便。(未)二謂慚愧悔過能止一切惡法不令增長。(未)三

明修以隨順法性離諸過故。

(午)二智德三

（未）初 三者發起善根增長方便。（未）二釋相二初約緣修行 謂勤供養禮拜三寶、

讚歎隨喜、勸請諸佛。（申）二辨修行成益二初生智益 以愛敬三寶、淳厚心故、信得

增長、乃能志求無上之道。（酉）二明滅障益 又因佛法僧力所護故、能消業障、善

根不退。（未）三明修意 以隨順法性、離癡障故。

（巳）三利他行三

（午）初 四者大願平等方便。（午）二釋相三初長時心 所謂發願盡於未來。（未）二廣大心

化度一切衆生、使無有餘。（未）三第一心 皆令究竟無餘涅槃。（午）三明修意二初顯順性

以隨順法性、無斷絕故。（未）二明起大願意（亦即常心） 法性廣大、徧一切衆生、平等無

二、不念彼此、究竟寂滅故。

（子）三顯發心利益四 （丑）初顯勝德二

（寅）初自功德 菩薩發是心故、則得少分見於法身。（寅）二明八相生 以見法身故、

隨其願力能現八種利益衆生。所謂從兜率天退入胎住胎出胎出家成道轉法輪入於涅槃。

(丑)二明微過二

(寅)初異地

然是菩薩未名法身。以其過去無量世來有漏之業未能決斷。隨其所生與微苦相應。(寅)二異凡愚亦非業繫以有大願自在力故。

(丑)三通權教二

(寅)初舉教

如脩多羅中或說有退墮惡趣者。(寅)二釋通非其實退。但為初學菩薩未入正位而懈怠者恐怖令彼勇猛故。

(丑)四歎實行二

(寅)初於下不戀

又是菩薩一發心後遠離怯弱畢竟不畏墮(寅)二於上不怯

若聞無量無邊阿僧祇劫勤苦難行乃得涅槃亦不怯弱以信知一切法

從本已來自涅槃故。

(癸)二解行發心二 (子)初總標歎勝

解行發心者當知轉勝。

(子)二顯其勝相二

(丑)初舉時顯勝

以是菩薩從初正信已來於第一阿僧祇劫將欲滿故。

(丑)二明其

(寅)行勝二初總

於真如法中深解現前所修離相。

(寅)二別

以知法性體無慳貪

故隨順修行檀波羅密。以知法性無染離五欲過故隨順修行尸波羅密。以知法性無苦離嗔惱故隨順修行羼提波羅密。以知法性無身心相離懈怠故隨順修行毗梨耶波羅密。以知法性常定體無亂故隨順修行禪波羅密。以知法性體明離無明故隨順修行般若波羅密。

(癸)三證發心三

(子)初通明發心體三

(丑)初標地位

證發心者。從淨心地。乃至菩薩究竟地。證何境界。所謂真如。

(丑)二明行體 (即根本智)

以依轉識說為境界。而此證者無有境界。唯真如智。名為法身。

(丑)三明勝用四 (即後得智) (寅)初請法上首德二

(卯)初正明請法 是菩薩於一念頃。能至十方無餘世界。供養諸佛。請轉法輪。(卯)二

顯其請意 唯為開導利益衆生。不依文字。

(寅)二隨根延促德三

(卯)初促二 或示超地速成正覺。(辰)二 以為怯弱衆生故。(卯)二延二

或說我於無量阿僧祇劫。當成佛道。(辰)二 以為懈慢衆生故。(卯)三 能

示如是無數方便。不可思議。

(寅)三實行不殊德四

因(卯)初等而實菩薩種性根等行(卯)二等發心則等真(卯)三等證所證亦等(卯)四時等

無有超過之法。以一切菩薩皆經三阿僧祇劫故。

(寅)四應機殊用德

但隨衆生世界不同。所見所聞根欲性異。故示所行亦有差別。

(子)二明發心相二

(丑)初歎細標數又是菩薩發心相者。有三種心微細之相。云何爲三。(丑)二列名

(寅)初無分別智本一者真心。無分別故。(寅)二後二者方便心。自然徧行利益

衆生故。(寅)三依阿黎耶識三者業識心。微細起滅故。

(子)三明成滿德二 (丑)初正顯勝德二

(卯)初因總辨德滿位顯二又是菩薩功德成滿。(卯)二果彰於色究竟處示一

切世間最高大身。(卯)初明別明德滿二謂以一念相應慧。無明頓盡。名一

切種智。(卯)二解自然而有不思議業，能現十方利益衆生。

(丑)二問答除疑二 (寅)初問上種智二 (卯)初問二

(辰)初問曰。虛空無邊故，世界無邊。世界無邊故，衆生無邊。衆生無邊故，

心行差別亦復無邊。如是境界不可分齊，難知難解。(辰)二正若無明斷

無有心想，云何能了名一切種智。

(卯)二答三

(辰)初立答曰。一切境界本來一心，離於想念。(辰)二舉非顯失二境以

衆生妄見境界，故心有分齊。(巳)二釋成以妄起想念，不稱法性，故不能

決了。(辰)三舉諸佛如來離於見想，無所不徧，心真實故，即是諸法之性。

自體顯照一切妄法，有大智用無量方便，隨諸衆生所應得解，皆能開示

種種法義，是故得名一切種智。

(寅)二問上自然業用二 (卯)初問二

(辰)初 又問曰。若諸佛有自然業能現一切處利益衆生者。一切衆生若

見其身。若覩神變。若聞其說。無不得利。(辰)二 云何世間多不能見。

(卯)二答三

(辰)初 答曰。諸佛如來法身平等。徧一切處。無有作意故。而說自然。但依

衆生心現。(辰)二 衆生心者。猶如於鏡。鏡若有垢。色像不現。(辰)三 如是

衆生心若有垢。法身不現故。解釋分竟

(丁)四修行信心分三 (戊)初就人標意

已說解釋分。次說修行信心分。是中依未入正定衆生。故說修行信心。

(戊)二約法廣辨二 (己)初興二問

何等信心。云何修行。

(己)二還兩答二 (庚)初答信心二

(辛)初標數 略說信心有四種云何為四。(辛)二列釋 一者信根本。所謂樂念真如

法故。二者信佛有無量功德。常念親近供養恭敬。發起善根。願求一切智故。三者信法有大利益。常念修行諸波羅密故。四者信僧能正修行自利利他。常樂親近諸菩薩眾。求學如實行故。

(庚)二答修行三 (辛)初舉數標意

修行有五門。能成此信。

(辛)二問數列名

云何為五。一者施門。二者戒門。三者忍門。四者進門。五者止觀門。

(辛)三依問別解二 (壬)初四行略明二 (癸)初顯四行相四 (子)初施門三

云何修行施門。(丑)初財 若見一切來求索者。所有財物隨力施與。以自捨

慳貪令彼歡喜。(丑)二無若見厄難恐怖危逼，隨已堪任，施與無畏。(丑)三若有衆生來求法者，隨已能解，方便爲說，不應貪求名利恭敬。唯念自利，利他迴向菩提故。

(子)二戒門三

云何修行戒門。(丑)初攝所謂不殺不盜不婬不兩舌不惡口不妄言不

綺語，遠離貪嫉欺詐諂曲瞋恚邪見。(丑)二攝若出家者，爲折伏煩惱故，

亦應遠離憤鬧，常處寂靜，修習少欲知足頭陀等行，乃至小罪，心生怖畏，慚愧改悔，不得輕於如來所制禁戒。(丑)三攝當護譏嫌，不令衆生妄起

過罪故。

(子)三忍門二

云何修行忍門。(丑)初他不所謂應忍他人之惱，心不懷報。(丑)二安亦

當忍於利衰毀譽稱譏苦樂等法故。

(子)四進門三

云何修行進門。

(丑)初勤勇精進

所謂於諸善事心不懈退。

(丑)二難壞精進

立志堅強。

遠離怯弱。

(丑)三無足精進

當念過去久遠已來，虛受一切身心大苦，無有利益。

是故應勤修諸功德，自利利他，速離衆苦。

(癸)二別就進門明除障方便二

(子)初障二

(丑)初業障

復次若人雖修行信心，以從先世來多有重罪惡業障故。

(丑)二

報障

爲邪魔諸鬼之所惱亂，或爲世間事務種種牽纏，或爲病苦所惱，有如

是等衆多障礙。

(子)二治

是故應當勇猛精勤，晝夜六時禮拜諸佛，誠心懺

悔，勸請隨喜，迴向菩提，常不休廢，得免諸障，善根增長故。

(壬)二一行廣說二

(癸)初寄問

云何修行止觀門。

(癸)二釋相二

(子)初略明三

(丑)初止

所言止者、謂止一切境界相、隨順奢摩他觀義故。

(丑)二觀

所言觀者、謂分別因緣生滅相、隨順毗鉢舍那觀義故。

(丑)三雙順

云何隨順。以此二義漸漸修習、不相捨離、雙現前故。

(子)二廣說三

(丑)初修止五

(寅)初修止方法二

(卯)初勝人能入二

(辰)初託靜息心

修止方便二

(巳)初約外緣

若修止者、住於靜處、端坐正意。

(巳)二內自安心明修止次第三

(午)初約坐修止二

(未)初離
倒境

不依氣息。不依形色。不依於空。不依地水火風。乃至不依見聞

覺知。

(未)二除依前倒境所
生妄想之心亦遣

一切諸想。隨念皆除。亦遣除想。以一切法本

來無相。念念不生。念念不滅。亦不得隨心外念境界。後以心除心。心若馳散。即當攝來。住於正念。是正念者。當知唯心。無外境界。即復此心。亦無自相。念念不可得。

(午)二約餘威儀修止

若從坐起。去來進止。有所施作。於一切時。常念方便。隨順觀察。

(辰)二止成得定除障不退三

(巳)初
止成

久習淳熟。其心得住。

(巳)二明止力附
心猛利得定

以心住故。漸漸猛利。隨順

得入真如三昧。

(巳)三明伏惑入
位(即信滿入住)

深伏煩惱。信心增長。速成不退。

(卯)二障者不能

唯除疑惑、不信、誹謗、重罪業障、我慢、懈怠、如是等人所不能入。

(寅)二顯止勝能二

(卯)初能生一行三昧三

復次依是三昧故、則知法界一相。(辰)二釋謂顯其相

一切諸佛法身與衆生身平等無二。(辰)三顯其名即名一行三昧。(卯)二能生無量三昧

當知真如是三昧根本。若人修行、漸漸能生無量三昧。

(寅)三辨其魔事二 (卯)初略明魔事二

(辰)初或有衆生無善根力、則爲諸魔外道鬼神之所惑亂。若於坐中現

形恐怖、或現端正男女等相。(辰)二當念唯心境界、則滅、終不爲惱。上略明

竟

(卯)二廣辨魔事二

(辰)初先顯魔事五

或現天像、菩薩像、亦作如來像、相好具足、或說陀羅

尼。或說布施持戒忍辱精進禪定智慧。或說平等空無相無願。無怨無親。無因無果。畢竟空寂。是真涅槃。(巳)二得通起辨或令人知宿命過去之事。亦知

未來之事。得他心智。辯才無礙。能令衆生貪著世間名利之事。(巳)三起惑造業

又令使人數嗔數喜。性無常準。或多慈愛。多睡多病。其心懈怠。或卒起精

進。後便休廢。生於不信。多疑多慮。或捨本勝行。更修雜業。若著世事種種

牽纏。(巳)四授定得禪亦能使人得諸三昧。少分相似。皆是外道所得。非真三昧。

或復令人若一日。若二日。若三日。乃至七日。住於定中。得自然香美飲食。

身心適悅。不飢不渴。使人愛著。(巳)五食差顏變或亦令人食無分齊。乍多乍少。

顏色變異。(辰)二明其對治以是義故。行者常應智慧觀察。勿令此心墮於邪網。

當勤正念。不取不著。則能遠離是諸業障。

(寅)四簡偽異真二 (卯)初舉外內二定以別邪正二

(辰)初明 邪定 應知外道所有三昧，皆不離見愛我慢之心，貪著世間名利恭敬故。(辰)二明 正定 真如三昧者，不住見相，不住得相，乃至出定，亦無懈慢，所有煩惱，漸漸微薄。

(卯)二對理事二定以明真偽二

(辰)初明 理定 若諸凡夫不習此三昧法，得入如來種性，無有是處。(辰)二明 事定 以修世間諸禪三昧，多起味著，依於我見，繫屬三界，與外道共。若離善知識所護，則起外道見故。

(寅)五示益勸修二 (卯)初總標

復次精勤專心修學此三昧者，現世當得十種利益。

(卯)二別解三 (辰)初善友攝護益

云何爲十一者，常爲十方諸佛菩薩之所護念。

(辰)二離障益二

(巳)初離外惡緣障二 (午)初離天魔現形障二 二者不為諸魔惡鬼所能恐怖 (午)二離外三者

不為九十五種外道鬼神之所惑亂 (巳)二離內惑業障二 (午)初離惡業障二 四者遠離誹

謗甚深之法、重罪業障漸漸微薄 (午)二滅惑障 五者滅一切疑諸惡覺觀

(辰)三行成堅固益五

(巳)初於信增 六者於如來境界信得增長 (巳)二處染不怯 七者遠離憂悔於生死

中勇猛不怯 (巳)三不為緣壞 八者其心柔和捨於憍慢不為他人所惱 (巳)四無世滋味

九者雖未得定於一切時一切境界處則能減損煩惱不樂世間 (巳)五得深禪定

十者若得三昧不為外緣一切音聲之所驚動 (別修止門竟)

(丑)二修觀三 (寅)初明修觀意

復次若人唯修於止則心沈沒或起懈怠不樂眾善遠離大悲是故修觀

(寅) 辨觀相四 (卯) 初法相觀四

(辰) 初明 修習觀者。當觀一切世間有為之法。無得久停。須臾變壞。(辰) 二

明苦 一切心行。念念生滅。以是故苦。(辰) 三 應觀過去所念諸法。恍惚

如夢。應觀現在所念諸法。猶如電光。應觀未來所念諸法。猶如於雲。忽爾

而起。(辰) 四 應觀世間一切有身。悉皆不淨。種種穢汙。無一可樂。

(卯) 二大悲觀

如是當念一切衆生。從無始世來。皆因無明所熏習。故令心生滅。已受一切身心大苦。現在即有無量逼迫。未來所苦亦無分齊。難捨難離。而不覺知。衆生如是。甚為可愍。

(卯) 三大願觀

作此思惟。即應勇猛立大誓願。願令我心離分別故。徧於十方。修行一切

諸善功德。盡其未來。以無量方便救拔一切苦惱衆生。令得涅槃第一義樂。

(卯)四精進觀

以起如是願故。於一切時一切處。所有衆善。隨已堪能。不捨修學。心無懈怠。

(寅)三結觀分齊

唯除坐時專念於止。若餘一切。悉當觀察。應作不應作。止上來別修觀竟

(丑)三明雙運三

(寅)初總標

若行若住。若臥若起。皆應止觀俱行。

(寅)二別辨二

(卯)初約法明俱二

(辰)初即止之觀 所謂雖念諸法自性不生。而復即念因緣和合。善惡之業。苦樂

等報不失不壞。(辰)二即雖念因緣善惡業報而亦即念性不可得。

(卯)二對障明俱

若修止者對治凡夫住著世間能捨二乘怯弱之見。若修觀者對治二乘不起大悲狹劣心過遠離凡夫不修善根。

(寅)三總結

以此義故是止觀二門共相助成不相捨離。若止觀不具則無能入菩提之道。

(戊)三防退方法二 (己)初明可退之人二

(庚)初標復次衆生初學是法欲求正信其心怯弱。(庚)二舉以住於此

娑婆世界自畏不能常值諸佛親承供養懼謂信心難可成就意欲退者。

(己)二明防退之法二 (庚)初通舉聖意二

(辛)初標 聖善巧 當知如來有勝方便攝護信心。
(辛)二釋 顯巧相 謂以專意念佛因緣
 隨願得生他方佛土常見於佛永離惡道。

(庚)二別引經證二

(辛)初 引經 如脩多羅說若人專念西方極樂世界阿彌陀佛所修善根迴向

願求生彼世界即得往生。
(辛)二釋 經文 常見佛故終無有退若觀彼佛真如

法身常勤修習畢竟得生住正定故。

(丁)五勸修利益分三 (戊)初總結前說

已說修行信心分。次說勸修利益分。如是摩訶衍諸佛祕藏我已總說。

(戊)二舉信謗損益二 (己)初信受福勝二 (庚)初約三慧總舉其益

若有衆生欲於如來甚深境界得生正信遠離誹謗入大乘道當持此論
 思量修習究竟能至無上之道。

(庚)二別顯三慧益相三 (辛)初聞時益

若人聞是法已，不生怯弱。當知此人定紹佛種，必為諸佛之所授記。

(辛)二思時益

假使有人能化三千大千世界滿中衆生，令行十善，不如有人於一食頃正思此法，過前功德不可為喻。

(辛)三修行時益三

(壬)初時復次若人受持此論，觀察修行，若一日一夜，所有功德無量無

邊，不可得說。(壬)二校假令十方一切諸佛，各於無量無邊阿僧祇劫，歎

其功德亦不能盡。(壬)三釋何以故？謂法性功德無有盡故，此人功德亦

復如是，無有邊際。

(己)二謗毀罪重四

(庚)初謗
成罪重

其有衆生於此論中毀謗不信，所獲罪報，經無量劫受大苦惱。

(庚)二誠
勸止謗

是故衆生但應仰信，不應誹謗。

(庚)三釋
罪重意

以深自害，亦害他人。

斷絕一切三寶之種。

(庚)四轉釋
斷三寶之義二
初約果人依之得涅槃

以一切如來皆依此法

得涅槃故。

(辛)二約因人
依之得菩提

一切菩薩因之修行入佛智故。

(戊)三結勸修學

當知過去菩薩已依此法得成淨信。現在菩薩今依此法得成淨信。未來

菩薩當依此法得成淨信。是故衆生應勤修學。

正宗
竟

(甲)三流通分二

(乙)初結上所說二
初結義

諸佛甚深廣大義。


(丙)二我今隨分
結文

(乙)初益二
初明德廣

迴此功德，云性。

(丙)二辨
遐需

普利一切衆



楊仁山居士手訂

釋氏十三經

圓覺了義經 梵網經 佛遺教經 四十二章經 八大人覺經 般若波羅密多心經 金剛般若波羅蜜經 無量壽佛經 觀無量壽佛經 維摩詰所說經 大佛頂首楞嚴經 楞伽阿跋多羅寶經 妙法蓮華經

◁布面精裝一厚冊價洋二元▷

一大藏教。浩瀚無涯。初機之士。對斯教典。幾同望洋。苟非示以津要。詎能識其涯岸。清末。楊仁山居士有見於此。因從大藏經中。選其最精要者十三種。名曰釋氏十三經。為數雖非甚巨。而大小顯密華嚴天台淨土律宗般若等部無不包羅。雖謂為一部大藏經之縮影可也。凡初學佛法。或無暇讀全藏者。若備是一帙。晨夕恭持。則歸元選淨。就路還家。固未嘗不可以少許勝人多許也。本經原用木刻。成本稍昂。本局今改用三號鉛字排印。與普及本佛經同其格式。以餉讀者。

上海佛學書局出版

大乘起信論科判

全 一 冊

中華民國二十四年十二月初版

◎每部定價大洋壹角伍分

(外埠酌加郵匯費)

出版者

佛學書局 代表 沈彬翰

印刷者

國光印書局

總發行所

上海佛學書局

分行發所

佛學書局分局

上海麥特赫司脫路 上海新民路國慶路
上海望平街有正書局 長沙玉泉街七十號
杭州西湖龍翔橋 北平東四南大街
福州下南路廿四號

分銷處

各埠佛經流通處



本

2.1:

8

判